



24. oktober 2018

UKA2018/48

1.juli 2019-miit atuutilersumik inatsisinut nalunaartit atuutsinneqalernissaannut Naalackersuisut peqquneqarnissaannik Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Inuiaqatigiit nukittuut tassaapput inatsisitigut illersugaasut piginnaatitaaffimminillu ilisimaarinnittut. Inuiaqatigiinni inatsisit naapertorlugit tunaartaralugillu ingerlatsineq qitiusuassaaq aammalu innuttaasut inatsitigut nalornissuteqaratik inissisinissaat naalackersuinikkut ingerlatsinikkut maaningaaq qulakkeerniarlugu suliaqartussaavugut.

Inatsisit nunatsinniit akuerisaasuuppata imaluunniit Folketingikkut akuersissuteqarfigineqarsimasuuppata nalunaarutitigullu malitseqarsimasuuppata tamarmik tassaapput paasiuminartuullutillu innuttaasunit malikkuminartuusussat. Inuiaqatigiit inatsisitigut illersorsinnaasumik atugaqartuunerat maanngaanniit sinaakkusertarparput.

Siunnersuuteqartup qaqitaa pingaaruteqarpoq, aammalu isumaqarpunga tunngavilersuutai atuarerlugit maani sulinitsinnut annertuumik tunngaveqartoq. Naalackersuisut akissuteqaateqarnerminni qitiutitaasa annersaat tassaavoq sulisussatigut nukissat annikitsuunerisa kingunerisaanik suliaq angisooq kivinniassallugu ajornakusooruteqarsinnaasooq aammalu innersuussutigalugu folketingip maannamut inatsisit pisoqalisoorsimasut nutarsarlugillu sammineri innersuussutigalugu nit-tartakkatigut tamanna aamma takuneqarsinnaalerumaarnera. Isumaqarpunga naalackersuisunit akissuteqaatigineqartoq paasisinnaallugu naammagiinnarsinnaagaluarlugulu, taamaattorli isumaqarpunga Folketingimi suliap akuersissutigineqarnissaanut sulii piffissangaatsiaq ingerlasinnaasooq taamaammallu suliat nunatsinneersut qallunaat nunaanneersullu ullutsinnut tullu-arsarneqarneri ingiaqatigiiperaartumik ingerlaniarnerat iluatinnartuusooq.

Siunnersuutip Inatsisartut inatsisinut ataatsimiititaliaannit nalilersoqqissaarneqassasooq inassuti-gaarput, siunnersuuteqartumullu qujavugut.